

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 036136/01-9

ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով վարչական իրավախախտման վերաբերյալ գործը և ուսումնասիրելով վարչական իրավախախտման վերաբերյալ նյութերը,

ՊԱՐԶԵՑԻ

«ՌԻՈ 1» ՍՊԸ-ի տնօրեն Տիգրան Գալստյանը (ՀՎՀՀ՝ 00118404, հասցե՝ ք.Երևան, Դավիթաշեն 7 փ. 48 տ.), համաձայն ՀՀ պետական եկամուտների կոմիտեի հարկ վճարողների ընթացիկ հսկողության հարկային տեսչություն-վարչության 29.06.2021թ. թիվ 4156679 ակտի՝ ՀՀ հարկային օրենսգրքի 156-րդ հոդվածի 2-րդ մասով սահմանված ժամկետում չի ներկայացրել թվով 5 (հինգ) վարձու աշխատողի համար գրանցման հայտ:

Նշված արարքի համար նախատեսված է պատասխանատվություն վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Վարչական վարույթի շրջանակներում հայտնի է դարձել, որ «ՌԻՈ 1» ՍՊԸ-ի տնօրեն Տիգրան Գալստյանը 25.08.2021թ-ին հայցադիմում է ներկայացրել վարչական դատարան ՀՀ պետական եկամուտների կոմիտեի հարկ վճարողների ընթացիկ հսկողության հարկային տեսչություն-վարչության 29.06.2021թ. թիվ 4156679 ակտը անվավեր ճանաչելու պահանջով: ՀՀ վարչական դատարանը 30.08.2021թ.-ին որոշում է կայացրել հայցադիմումը վարույթ ընդունելու մասին (թիվ ՎԴ/9410/05/21 վարչական գործ):

Նկատի ունենալով, որ անհնարին է տվյալ վարույթի արդյունքում ակնկալվող վարչական ակտի ընդունումը մինչև վարչական դատավարության կարգով քննվող գործով որոշում (դատական ակտ) կայացնելը, ուստի ելնելով վերոգրյալից և ղեկավարվելով վարչարարության հիմունքների և վարչական վարույթի մասին ՀՀ օրենքի 49 հոդվածի 1-ին մասի «ա» կետով.

ՈՐՈՇԵՑԻ

Տիգրան Գալստյանի վերաբերյալ իրականացվող վարչական վարույթը կասեցնել՝ մինչև թիվ ՎԴ/9410/05/21 վարչական գործն ըստ էության լուծող դատական ակտի օրինական ուժի մեջ մտնելը:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ